

KPK konfirmon në detyrë shefen e kabinetit të Prokurorit të Përgjithshëm, Pranvera Pustina

Komisioni nuk gjeti probleme në asnjë prej kritereve të vlerësimit për prokuroren Pranvera Pustina.

Autor: [Edmond Hoxhaj](#) | BIRN | Tiranë



Pranvera Pustina.

Komisioni i Pavarur i Kualifikimit, KPK shpalli të mërkurën vendimin për shefen e kabinetit të Prokurorit të Përgjithshëm, Pranvera Pustina, e cila u konfirmua në detyrë.

Procesi i vetingut për Pustinën në KPK u krye nga trupi gjykues i kryesuar nga Genta Tafa Bungo, me relatore Suela Zhegun dhe anëtare Etleda Çiftjan.

Komisioni nuk evidentoi probleme me pasuritë e deklaruar nga bashkëshorti i prokurores Pranvera Pustina, ndërsa kjo e fundit mori vlerësime pozitive edhe për figurën dhe profesionalizmin.

Pranvera Pustina ka përfunduar studimet në Shkollën e Magjistraturës në vitin 2011 dhe fillimisht është emëruar prokurore në Prokurorinë e Krujës. Në vitin 2015, ajo u transferua në ish-Prokurorinë e Krimeve të Rënda, ndërsa prej janarit 2020 është komanduar në pozicionin e shefes së kabinetit të Prokurorit të Përgjithshëm, Olsian Çela.



RRETH AUTORIT

Edmond Hoxhaj

Edmond Hoxhaj është gazetar i Rrjetit Ballkanik për Gazetari Investigative në Shqipëri. Ai ka punuar më herët për gazetën “Shqip”. Ai ka përfunduar studimet në Universitetin e Tiranës në degën Gjuhë-Letërsi. Hoxhaj ka punuar që nga viti 2001 në disa media të shkruara, ku ka mbuluar çështjet e aktualitetit dhe të drejtësisë.